

補充資料

《妙法蓮華經·觀世音菩薩普門品》補充資料

佛告無盡意菩薩：

「善男子！若有無量百千萬億眾生受諸苦惱，聞是觀世音菩薩，一心稱名，觀世音菩薩即時觀其音聲，皆得解脫。

若有持是觀世音菩薩名者，設入大火，火不能燒，由是菩薩威神力故。

若為大水所漂，稱其名號，即得淺處。

若有百千萬億眾生，為求金、銀、琉璃、磲磔、碼碯、珊瑚、虎珀、真珠等寶，入於大海，假使黑風吹其船舫，漂墮羅刹鬼國，其中若有乃至一人，稱觀世音菩薩名者，是諸人等皆得解脫羅刹之難。以是因緣，名觀世音。

若復有人臨當被害，稱觀世音菩薩名者，彼所執刀杖尋段段壞，而得解脫。

若三千大千國土，滿中夜叉、羅刹，欲來惱人，聞其稱觀世音菩薩名者，是諸惡鬼，尚不能以惡眼視之，況復加害。

設復有人，若有罪、若無罪，杻械、枷鎖檢繫其身，稱觀世音菩薩名者，皆悉斷壞，即得解脫。

若三千大千國土，滿中怨賊，有一商主，將諸商人，齎持重寶、經過險路，其中一人作是唱言：『諸善男子！勿得恐怖，汝等應當一心稱觀世音菩薩名號。是菩薩能以無畏施於眾生，汝等若稱名者，於此怨賊當得解脫。』眾商人聞，俱發聲言：『南無觀世音菩薩。』稱其名故，即得解脫。

名相解釋

【摩尼】 (FROM: 三藏法數(明·一如等 撰))

梵語摩尼，又云末尼，華言離垢，即珠寶也。此寶光淨，不為垢穢所染。故圓覺鈔又云如意。謂意中所須財寶衣服飲食種種之物，此珠悉能出生，令人皆得如意，故名為寶。

【如意摩尼】 (丁福保《佛學大辭典》)

(物名)摩尼者，梵語 Mani，珠寶之總名，即如意珠也。
探玄記二曰：「摩尼是珠寶通名，簡通取別故云如意摩尼。」

【五見】 (丁福保《佛學大辭典》)

一、身見，即我見我所見也，不知吾身為五蘊和合之假者。而計度實有我身（我見），

又不知我身邊之諸物，無一定之所有主，而計度實為我所有物（我所見），合此我見與我所見二者，則為身見。常略我所見而單曰我見。

二、邊見，一旦有我身起我見之後，其我或計度為死後斷絕者，或計度為死後亦常住不滅者。是有二義：起於身見後邊之妄見，故名邊見（唯識）；偏於斷或常之一邊，故名邊見（俱舍）。

三、邪見，撥無因果之道理者。以為世無可招結果之原因，亦無由原因而生之結果，故惡不足恐，善亦不足好，如此謬見，乃邪之最邪者，故付以邪之名。

四、見取見，以劣知見為始，取其他種種之劣事，思為此最勝殊妙者。

五、戒禁取見，由上之見取見，遂以非理非過之戒禁為始，取其他種種之行法，以之為生天之因或涅槃之道者。此中有二種：
持牛戒或雞戒等，以為生天之因，是曰非因計因之戒禁取見；
修塗灰斷食等種種之苦行，以為涅槃之道，是曰非道計道之戒禁取見。

已上五見，為惡慧之一分，於見道一時不斷之者。舊譯家稱之為五利使。見唯識論六，俱舍論十九。

【金翅鳥】（丁福保《佛學大辭典》）

（動物）又曰妙翅鳥。梵語迦樓羅，藥嚕拏，羯路荼 **Garuḍa** 等。八部眾之一。翅翮^{註1}金色，故名金翅鳥。兩翅廣三百六萬里，住於須彌山下層，常取龍為食。（迦樓羅）

註1: 【翮】音尸才ノ或为ㄟ。《說文》羽莖也。

【金翅鳥王】（丁福保《佛學大辭典》）

（譬喻）金翅鳥中之最勝者。用以譬佛。

舊華嚴經三十六曰：「佛子！譬如金翅鳥王，飛行虛空，以清淨眼觀察大海龍王宮殿。奮勇猛力，以左右力搏開海水，悉令兩闕，知龍男女有命盡者而撮(ㄣㄣせ´)取之。如來應供養，應等正覺，金翅鳥王亦復如是。安住無礙虛空之中，以清淨眼觀察法界諸宮殿中一切眾生。若有善根已成熟者，奮勇猛大力止觀兩翅搏開生死大愛海水，隨其所應出生死海，除滅一切妄想顛倒，安立如來無礙之行。」

智度論二十七曰：「譬如金翅鳥王普觀諸龍命應盡者，以翅搏海令水兩闕，取而食之。佛亦如是，以佛眼觀十方世界五道眾生，（中略）除三障礙而為說法。」